

EXERCITATIO MEDICA
DE
CHYLIFICATIONE,

Quam,

Divino adjuvante Numine,
PERMISSU ET CONSENSU
Magnifici atque Excellentissimi Medicorum
ORDINIS

In

Inclytâ Rauracorum Academiâ,

P R Æ S I D E

Viro Celeberrimo, Experientissimo

DN. JOH. JAC. HARDERO,

Phil. & Med. D. Anatom. & Botan. Prof. Ex-
cellentiss. Sereniss. Marchion. Badens.
Archiatro, &c.


Ad d. V^o 11. Junii Ann. M. D C. LXXXVIII.

Publicæ Eruditorum disquisitioni
submittit

PAULUS ANCILLON,
JOSEPH. FIL. Metens.

In Aulâ Medicorum.

BASILEÆ, TYPIS JACOBI BERTSCHL.



V I R I S

*Munerum Amplitudine, Generis Splendore,
Eruditionis famâ Celeberrimis,
Clarissimis,*

DN. IOH. IAC. HARDERO,

Phil. & Med. Doct. Anatom. & Botan. Prof.
Excellentiss. Sereniss. Marchion. Badens. Archiatr.
S. R. I. Acad. Naturæ Curiosor. & Patavin. Illustr.
Recuper. Socio Dignissimo, Præceptori ac Ho-
spiti ætatem colendo.

DN. PAULO FERIET, J. C.

in Vrbe Metensi Consuli Amplissimo, Avun-
culo plurimum honorando.

DN. CAROLO ANCILLON,

I. V. D. in Vrbe Metensi olim Causarum Patro-
no Callentissimo, nunc Berolini Prætori Gra-
vissimo.

*Hasce Studiorum Primitias humillimè offert
& consecrat*

AUTHOR & RESPONDENS.



I. N. D. N. J. C.
EXERCITATIO MEDICA
De
CHYLIFICATIONE.

I.



Vemadmodum jugi fluidi
motu & perenni influxu, se-
dulâque partium principum
in fragili corporis animalis
machinâ functione vita usq;
perennat, ita dubium non est,
solidam fluidamque corporis
nostri substantiam motu us-
que absumi, & ad hunc con-
servandum, nevé individui salus periclitetur, ali-
mentis opus esse quàm maximè, è quibus tritura-
tis, digestis, debiteque solutis, particulæ dulces,
chylosæ eliciantur, quæ massæ humorali deinceps
traditæ mistæque, præcociorem jacturam impe-
diant. §. Actio hæc naturalium prima, Chylifica-
tionis, (χυλώσεως) nomine in Medicorum scholis
commodùm insignitur, estque nihil aliud, quàm
chyli ex alimentis assumptis in ventriculum, inque
hoc & intestinis tenuibus tantisper commorantibus,
ope fluidi maximè activi, ceu menstrui digestorii,
cùm in ipsis secreti, tum aliunde accedentis electio

3. atque confectio. §. Materiam proin chyli alimenta constituunt, quæ cibo solido, potuque liquido aliqui complectuntur: Aristot. verò 1, 2. de part. animal. ὑγρῶ καὶ ξηρῶ nomine appositè denotasse videtur. vid. sis Clariss. Dn. Præsid. cap. 2. de Humorib. Illis certè ex particulis composita, à quibus cum fluidorum temperies, tum etiam solidarum partium
4. configuratio & textura conservari potest. §. Ista autem priùs quàm Ventriculi antro excipiantur, mutationem non levem in ore experiuntur, quam Galenus 1, 3. de facult. animal. c. 7. tritici mansi exemplo probat, quo crudi furunculi ilicò mutantur & coquuntur, cum priùs apertè dixisset: ἡ τῆς τροφῆς ἐν τῷ σώματι ἀλλοίωσις, μεθίστησιν αὐτὴν ἐναργῶς εἰς ἕτερον εἶδος, & μὴν εἰς τέλος γε μελακοσμεῖ. Commi-
nuuntur sanè masticando solida edulia, durissimique cibi, si diffringi prorsus discindi que dentium ope nequeant, ita subiguntur, ut reseratis poris arctius occlusis, immutata que hinc tantisper ipsorum texturâ, apti evadant, è quibus penitus dissolutis, chylosæ particulæ elicita in vascula propria sequen-
5. strentur: §. Hunc in finem provida natura non dentibus modò hominibus prospexit, ita quidem conformatis, ut incidendis frangendis que, imò conterendis solidioribus alimentis sufficiant, sed maxillam insuper inferiorem musculorum ope ad superiorem allidere, dentes que hujus alveolis insculptos cum illius incolis collidendo jugiter concurrere voluit, ut sic iteratâ allissione, utrinque discinderentur particulæ invicem arctius compactæ. §. Cuniculorum certè, porcellorum Indicorum, equorum & aliorum fortè animantium, si non modò primores dentes, acutos satis, sed delitescentem post hos in utrâque maxillâ seriem egregiam, cum sinistrae mecha-

- mechanicâ motitatione contuiti fuerimus,prehendemus ceu sub ferræ denticulis versarentur, ingesta comminui ac limari posse, Naturâ in animantibus aliis, dentibus ita non instructis, (de quibus prolixius heic dicere non attinet) negotium isthoc aliter vel supplente vel perficiente, vid. sis supr.
7. citat. cap. 2. Prodr. Physiol. §. Aliud autem commodum insuper ex trituratione hac accedit, enimverò strenuè hunc in modum musculis maxillæ inferioris collaborantibus, accedente unâ necessariâ linguæ eâque continuatâ volutione, fontes salivæ usque aperiuntur, affluitque copiosè in os propulsus liquor, comoda necessaria non heic saltem, sed
8. cum ingestis deglutitus insuper præstiturus: §. Est ergo, ut rectè fatur Celeberr. *Bohnius* Progymn. 4. majoris longè ponderis alteratio, quam à salivæ commiscela expectant ac sustinent solidiora, etenim dum ista particulis suis aqueis, aliisvé à quibus majorem activitatem habet, quam tamen spiritus æthereus potissimum conservat atque suscitatur, referatis alimentorum poris sese insinuat, èque rigidis ac duris molliores atque flexiliores facit, dissolvit unâ ipsa, magisque liquefacit, manusque auxiliatrices ferentibus aëris externi particulis subtilissimis maximèque activis, quæ interstitia usque pervadere nituntur, compagem *illorum* magis magisque solve, fibrillas diffringere, sicque ligatas, varièque invicem unitas, varii generis particulas sui juris facere, & quiescentes modò, in motum deducere solet, non parvo subsecuturæ dehinc chylificationi in Ventriculo & intestinis adjumento.
9. §. Nec verò opus esse arbitramur, humoris istius activitatem, multò minùs fluidi subtilis *ἐνέργειαν*, pluribus heic probatam dare. Testatur de illâ quotidiana

tidiana experientia, evidensque malum, quod ejusdem inertiam, vel defectum profusionemvé excipit, confirmatque Virorum Clariss. autoritas ratione suffulta, adeò ut memorante Excellentiss. *Bohnio*, solvens catholicum mineralibus quoque inde promiserint: Neque latere potest Eruditos experimentum, quod cum salivâ & pane, aut alio quovis edulii genere instituit Clariss. *Tackius*, cujus Excell. Dn. Præses meminit in Schol. ad usum part.

10. cochleæ. §. Et quî clariùs ad nominatam liquoris nostri efficaciam alludere potuisset Galenus, atq; ipso cum Veterani omnes, qui ex immutatione texturæ, mutatione suscitationeque odoris ac saporis ingestorum, ut quæ ἄποια modò erant, dum in ore tantisper volutantur, quoad dictas qualitates, brevi sensibiliterque immutentur, imò etiam coloris, (quamvis hoc ultimum fortiùs premere nolimus) non levem à saliva factam fuisse ciborum alterationem augurati sunt: Inde Gal. cit. l. τὸ φλέγμα τὰτὶ κατὰ τὸ σῶμα, καὶ λειχίνων ἐστὶν ἄκθῃ καὶ σκορπίως ἀναιρεῖ παραχρῆμα, καὶ πολλὰ τῶν ἰοβόλων θηρίων, τὰ μὲν δὲ θέως ἀποκλείνει, τὰ δὲ ὑστερον. ἀλλὰ τὰ μὲν μεμασημένα σιτία πρῶτον μὲν τέτω τῷ φλέγματι, βεβρεκταί τε καὶ πεφύεται.

11. ται. &c. §. Estque hæc à sæpiùs laudato liquore fieri solita maceratio & subactio, non minùs necessaria quàm utilis, utpote quâ particulæ sapidæ magis eliciuntur, sui que juris redditæ, papillas linguæ nerveas blandè afficiendo ac deliniendo, subsequente amicâ spirituum undulatione, semetipsas animæ nostræ quasi sistunt dijudicandas, gratumque dehinc in ipsâ ciendo sensum, appetitum pro viribus foveant, suscitantque non rarò citra omnem nauseationem, quæ ingratorum spicula frequenter comi-

12. tatur. §. Hunc ob finem haud dubiè per plures canaliculos

naliculos, Deus O. M. humorem tam utilem, in os effundi voluit; detexit enim Anatomicorum industria, præter ductus binos è sublingualibus glandulis prodeuntes, quos Galeno jam notos, imò ab hoc ipso variis in locis eleganter descriptos fuisse, patet ex l. 2. c. 6. de sem. l. X. de us. part. c. XI. & XII. Vid. sis etiam Clariss. Almeloveenii Invent. Nov antiq. p. 154. & 55. (quibus tertium par hisce proximum, & tantum non ex eodem fonte scaruriens adjunxerunt Clar. Viri quidam) ductus salivales superiores, à parotide conglomeratâ oriundos, quos accuratissimæ Stenonis diligentia hætenus adscripsimus, palatinos item antè se exonerantes, porosq; excretorios innumeros secretam cum in buccarum glandulis, tum in glandulosa palati carne, salivalem humiditatem per tunicam super extensam, tanquam cribrum perforatum extillantes, ut taceamus circa faucium extremitates conspicuas tonsillas, & glandulam maxillarem internam, cujus ductum pone dentes incisores inferiores, inter gingivas & papillam quandam ad os aperiri Author nobis itidem est Celeb. *Bohnius* Circul. Physiol. Clariss. verò *Nuckii* ductum salivalem meritò præterimus, utpote in humano corpore non existentem, ceu verè scripsit Excell. D. Præses in *Apiar.* Observat. Nuper quoque cum in equi Anatome venaremureundem, nec ductus nec glandulæ vestigia reperire potuimus. §.

13. Quicquid sit, ex his sanè fontibus quod venit omne, salivalis liquoris nomine complectemur tantisper, quo pariter uti externo fluido turgescences triturati cibi, linguæ operâ accedente, in oesophagum mox, hincque ventriculum, fibrarum ejus spiraliū beneficio trudentur, ulteriorem dissolutionem ilicò experturi, hoc ipsum deglutitionis negotium, liquore eo-

14. re eodem, vias lubricando adjuvante. §. Ut autem inter ventriculi pomoeria aliquandiu subsistat noviter appellens hospes, fibrarum carnearum series præstò est exteriorum pariter ac internatum, rectarum, circularium, transversarum, quas nervearum propagines usque interfecant, ut officio suo facilius & felicius defungantur, enimverò hisce agentibus & in orbem quasi circumductis, constringitur & coarctatur interior cavitas, complectiturque ventriculus fortiter ingestos bolos, qui in plicas modò coactum & vacuum replere & extendere ceperunt, uti quidem de hac fibrarum structurâ atque actione eruditè scripsit Clariss. Willis. part. 1. Pharmac. Ration. aliiq̃ue: legi etiam possunt, quæ Schol. ad Observat. 64. Excell. Dn. Præses inseruit.

15. §. Commoda quæ istam fibrarum actionem comitantur, varia sunt, præterquam enim quod ita necessaria ciborum retentio, pro omnimoda ipsorum liquefactione peragitur, massaque soluta commodum versus intestina adigitur, coangustatione insuper hæc ipsi comprimuntur, & prout sæpè laudatus *Bohnius* auguratur, iteratis contracturis magis atteruntur, præcipuè autem è glandulosa ventriculi substantiâ, liquor spirituosus valdè, maximeque digestivus emulgetur, fermentum Ventriculi aliis dictus, qui concoctionis in Ventriculo & hinc chyli-
ficationis causa efficiens præcipua hodie habetur.

16. §. Hujus natales ostendere facilius fortè est, quàm naturam sive essentiam ipsam explicare; Constat siquidem glandulas modò laudatas tunicæ nerveæ intertextas, vasorumque hinc varii generis, nervorum præprimis, sanguiferorumque copiâ appositè instrui, quorum illa, animale spiritum, æthereæ naturæ, præcipuarumq̃; actionum opificem, jugiter
suppe-

suppeditant. Hæc verò, laticem serosum, (arteriosa
 nempe) sanguini adhuc commistum, abundè adve-
 hunt, earum legitimâ configuratione secernendum,
 inque ventriculum, ex oscillis largiter concoctio-
 nis tempore stillandum. §. Fluidum istud acidum
 17. esse, Vett. tulisse potest sententia, è liene per vas
 breve acidum ad ventriculum transmitti statuen-
 tium, quod appetitum suscitet atque restauret, asse-
 rent verò quotquot fermento acido volatili inescar-
 ti, ingestorum dissolutionem plenariam inde, ejus-
 vé cum particulis istorum salino sulphureis misce-
 lâ, chyli lacteum colorem nasci persuasum habent:
 Magna omninò nomina, & quibus assentiremur
 18. adhuc, nî experientia refragaretur. §. Animalium
 certè ventriculos studiosè lustrantibus, omnibus
 contentis probè priùs elotis, talis acor usque non
 occurrit, quem aliàs spirare Viror. Clariss. fert opinio,
 sique acida miasmata nares quandoque feriunt ab
 assumptorum reliquiis provenire ea possunt, crustæ
 ventriculi inerrantibus: In ranarum, serpentum,
 aliorumque his affinium ventriculis, membraneis
 nerveisque ad aspectum, acidum ejusmodi nusquam
 deprehendimus, cum tamen serpentes integras ranas
 devorent, inque succum chylosum convertant, §.
 19. accedit, quòd spicula ejusmodi acidi ventriculi stru-
 cturæ tam teneræ, inimica magis videantur esse,
 quàm proficua, quorum efficaciam dolores lanci-
 nantes & rodentes pertinacissimi, in statu morbo-
 20. so non rarò in homine commonstrant. §. Neque ve-
 rò soli acido vis solvendi inest, cum alcalica quo-
 que salsa ac sulphurea potentiam menstrualē
 possideant, ceu eruditè notat Accuratiss. *Bohnius*;
 eaque interdum esculenta assumantur, quæ acidis
 aliàs haud parent, ceu pingua sunt & oleosa, in
 B chylum

chylum dehinc nihilominus facessentia, ut reliqua præfat. Celeberr. Viri ratiocinia prolixius in medium non adducamus, ceu quæ à sciendi cupidis in ipsius Circul. Physiol. videri possunt. Canes quoque ossa copiosè ingerere, nec minus feliciter comminuere, digerere, succumque chylosum illinc elicere experientiâ constat, cui sanè operi num fermentum acidum idoneum vel sufficiens sit, meritò cum Excellentissimo *Brunnero* dubitamus, qui experimentis pluribus edoctus, liquoris hujus fermentativi existentiam identidem in dubium vocat, tract. de Pancr.

21. usu. §. Arduum sanè in isthoc opinionum discrimine, experimentorumque pondere sententiam exponere; attendentibus nihilominus nervulorum quibus glandulosa tunica stipatur copiam innumeram esse, plurimamque arteriolarum cohortem, facile patebit laticis aquosi multum utique afferri, plus autem adhuc spiritus animalis affluere, menstruumque hinc exurgere, summè spirituosum, activissimum, cujus certè ea sit natura, ut reseratae alimentorum massæ, liquore salivali, particulisque aëreis turgidæ, & fibris ventriculi arctè conclusæ, undique sese insinuando, motum in ore trituratione inchoatum, usque ingeminet, suscitet, augeatque & hinc obstacula quævis, intimiorem miscelam impedientia, abolendo. omnia pervadat, corpuscula dura emolliat, dissociet unita arctius, solvat compacta, discidat, diffringat, sicque continuatâ hac intestinâ motitatione, quam particulae eduliorum sui juris redditæ identidem adjuvant, (fermentationis nomine alii exprimunt,) in massam liquidam

22. singula convertat. §. Atque ista spiritus animalis indoles est, ut cum sit corpus maximè subtile & activum, motum suum perpetua re nitatur, obicesque quosvis

quosvis resistentes aperiendo amoveat, inque par-
 tículas aliàs impingendo, eas diffingat, diffocietq;
 neq; quiescat, donec libero motu potiri, inque lau-
 dabile & uniforme corpus alimenta etiam in stoma-
 cho redegerit: Facit proin iste præcipuam menstrui
 digestorii partem, latex verò, qui à sanguine appel-
 lente in glandulis sequestratur, quemque particulis
 salinis gaudere negari utcunque nequit, ejus nudum
 vehiculum non est, sed (sin aliud nil) ingesta mo-
 dò contrita dentibus, ulteriùs diluit, dissolvitque, ut-
 que commodiùs penetrare queat *ille* efficit, vid. sis
 Cl. Dn. Præsid. Dissert. de struct. viscer. imò si ali-
 quos audimus ipsiscum alimentorum particulis eli-
 23. citis quadantenus combinatur. §. Soluta hunc in
 modum & colliquefacta edulia in duodenum sen-
 sim, reliquaque tenuia intestina protruduntur, fibris
 ventriculi circularibus istud negotium, blandâ sui
 contractione, laterumque ad se invicem legitimâ
 adductione, egregiè promoventibus: Neq; verò puta-
 mus orificium utrumq;, superius & inferius ita strin-
 gi à fibris circularibus ut *illud* (cujus clausuram fibræ
 musculi diaphragmatis inferioris strenuè juvant)
 bolo cuivis vel fluido adventanti, resistat, ne-
 que introitum concedat, *hoc* autem præter dictas
 fibras, in epistomii formam ita elevetur à tunica
 nervoso glandulosa, ut chylo etiam fluidiori omnem
 exitum præcludat, cum & experientiæ sanæque ra-
 tioni istud adversetur, quarum illa in ruminantium
 canumque sectionibus massam chylosam fluidam
 monstravit, Ventriculis necdum inanitis,
 imò plenis semiplenisque existentibus: *hæc* verò li-
 quaminis paulatinam in duodenum extillationem
 tantum non dictitet, pro commodiore chyli com-
 24. plemento & à facibus alvinis secretionem. §. Per-

fectionem itaque suam in intestinis tenuibus chylus
 consequitur, dum ista non modò tunicarum, sive
 substantiæ ipsius, sed inprimis etiam fluidi affluen-
 tis, ratione continuatus quidam ventriculus existunt.
 Notatu digna sunt, quæ cit. l. 3. de natur. facult. Gal.
 commemorat: Μὴ γὰρ ἔσθ' ἐπαρὰ βλητὸν εἶναι τὸ τῆς ὑπερ-
 βολῆς, εἰ τὸ κατὰ τὴν κοιλίαν ἐννοήσαμεν, φλέγμα καὶ χολήν
 καὶ πνέυμα καὶ θερμασίαν καὶ ὅλην τὴν ἔσιναν τῆς γαστέρας
 εἰς τὴν συνεπινοήσας αὐτῇ τὰ παρὰ κείμενα σπλάγχνα,
 καὶ θά περ' τινὶ λέξειτι μεγάλῳ πυρὸς ἐσίας πολλάς &c. De
 calore partium adjacentium, chylificationem in ven-
 triculo fovente, per subtilium particularum com-
 municationem, plura heic non fabimur, usque ve-
 rò persuasum habemus, quæ Venerandus hic Vir,
 de bile, pituita, spiritu, calore, imò tota Ventris sub-
 stantiâ heic eruditè profert, non minus ad intestina
 25, quàm ventriculum specialiter trahi debere. §. Et
 sanè ratione substantiæ, præstò sunt fibræ carneæ
 rectæ pariter ac circulares, quæ liquefacta à Ven-
 triculo in duodenum, ac ulteriùs deinceps descen-
 sura, non modò complectuntur, sed continuato mo-
 tu superiora & inferiora versus, eadem ulterius ex-
 agitant, simulque efficiunt, ut cùm ex intestinali-
 bus glandulis, lymphæ per porulos quasi pressa, ju-
 giter extillet cum spiritu æthereo, tum etiam ex vi-
 cinarum partium excretoriis ductibus, fibrillis ea-
 rum contractionem vicissim crebriùs ineuntibus,
 humores secreti copiosè appellant, ultimam chyli
 confectioni, inque vasa lactea secretioni, manum,
 26, singula adhibitura. §. Succus hi decantati sunt *Bilis*
 per ductum maximè hepaticum, & hinc etiam ex
 vesicula fellis accedens, & *succus pancreaticus*, per
 ductum Virsungianum ab Authore suo sic dictum af-
 fluens, de *cujus* aciditate, & *illius* alkali, mutuaque
 invicem

invicem effervescentia, multa omninò Viri cœterà
celebres, orbi erudito prodiderunt, quod autem à
multis hoc tempore pari fide vel veneratione non
accipiuntur, utpote quibus detectis licèt bilis par-
ticulis salinis, oleosis &c. acquiescentibus, lymphæ
pancreaticæ tamen aciditas suspecta est valdopere,
neque institutis multâ sedulitate experimentis re-
spondere visa. Vid. sis Clariss. *Brunneri* Experiment.
circa pancreas, & Excell. *Bohni* Circul. Physiol. p.
27: 152. &c. §. Propterea omni usu succos hosce care-
re sapiens nemo asseret: (vid. Exercitat. Anat. Med.
Pæon & Pythag. pag. 221. & seqq.) probantque eum
maximè, quæ ex ipsorum defectu vel inertia gravia
subsequi solita sunt symptomata, chylicationis læ-
sio, & hinc hæmatoseos vitium non leve cachexia,
hydrops &c. Verisimile hinc nobis fit à pancreati-
câ lymphâ pariter ac intestinali, particulis massæ ad-
ventantis crassiores dilui, fluidioresque reddi & ad
plenariam evolutionem aptiores, si omninò salis
ipsius nulla sit efficacia, juxta quoque re sic hortan-
te attemperari posse bilis, etiam extra chylicatio-
nistempus, ad intestina fluentis acrimoniam, quod
probabiliter ostendit, ductus pancreatici cum biliar-
io ferè communis in duodenum insertio, per com-
mune ostiolum humorem secretum utroque effun-
dente, ceu in canibus sæpenumero, & præteritâ hye-
me, in sectione publicâ in Adolescente ab Excell. D.
Præside exenterato conspeximus: Bilis verò usum,
(præterquam quod quæ ex Vesiculâ accedit, fluidi-
tatem ejus quæ per porum accurrit, aliquando e-
mendare valet,) conjectamur esse singulariter, ut
particularum oleosarum (crassiorum præcipuè)
ope, cum terrestribus & crassioribus, sed solutis ad-
huc fluidisque sese jungat, sicque ad justam confi-

- stentiam fæces alvinas paulatim perducatur, unaque impediatur sui admixtione ne vel oleosæ guttulæ chylo supernatent, vel terrestres atomi omnes secedant, & cum fæcibus excernantur: §. Porro succi
27. biliosi beneficio, particulæ chyli crudiores quidem viscidioresvé inciduntur magis & dissolvuntur, oleosæ verò & terreæ cum serosis placidè cōbinantur, eamque consistentiam acquirunt, quæ chylo per crustam intestinorum glandulosam filtrando, tubulisque vasculorum lacteorum excipiendo, necessaria est.
28. quàm maximè. §. Universi verò & singuli hi humores, præterquam quod animali Spiritu subtili & activo, usque prægnantes sunt, ab eodem nihilominus per nervulos ad intestinales glandulas frequentissimâ serie dispersos, magnâ copiâ, chylosi vigente, affluente excitantur, actuaturque tota massa, ejusvè particulæ, si quæ solutæ satis non sunt, aut indigestæ sunt adhuc ulterius diffringuntur, solvuntur, collquantur, factaque commodâ homogeneorum miscelâ dictorum liquorum ope, bilis præcipuè, heterogeneæ crassiores & fuculentæ separantur, & in intestina crassa protruduntur, *illis* ceu nutritiis dulcissimis, cum sanguine mox intimus miscēdis, ubi receptaculum solenne per lacteas venas advectæ evaserint, sicque chylus ultimam sui absolutionem consequitur. §.
29. Priusquam hinc abeamus, siquidem de spiritus ætherei ubere affluxu verba modò fecimus, memorenda sunt, quæ de singulari fibrillarum nervearum, nervulorumque conglomeratione, ipsorumque utilitate (in quæ occasione glādularum in duodeno ab Excell. *Brunnero* descriptarum Dn. Præses in variis animantibus, canibus, vaccis, lepore prius frequenter inquisivit, ipsorumque texturam, postquam in subjectis humanis, præsentibus nobiscum unâ aliis plura eorundem

rundem ratione notâſſet, in laudatâ Anatome publi-
câ liberius, duodeno aperto explicuit, uſusque egregi-
os à conglomeratis hiſce corpusculis, homine incolu-
mi fluentes, ſimulque incommoda, in hypochondria-
cis præcipuè paſſionibus palpabilia, inde pullulantia,
haud obſcure innuit) Celeberr. *Pejerus* Ann. VI. Dec.
2. Ephemerid. Nat. Curioſ. inſeruit: *Præter glandulo-*
ſam (inquit pag. 275. &c.) *fabricationem in duodeno*
ſingularis etiam fibrarum nervearum ſtrues reperitur,
carnis tenuiſſimè diviſæ quâdam ſimilitudine. illæ
namque conjunctis apicibus in nodulos quaſi aut tuber-
cula valdè minuta & depreſſa concreſcunt, ſtipantia
nerveam tunicam, cui penitus herent adſtriſta vin-
culis, ut tantò minùs de origine & natura dubites. Firma
ſunt quoque tenacia, & vel carne ſolidiora. Compreſſa ni-
hil humoris emittunt, nec atteruntur aut abſcedunt, cum
velamen intimum ſeu cruſta cum glandulis detrahitur,
nervea enim tunica duplex eſt (quod in canibus elegan-
ter vidimus) & noduli illi ſive tubercula medio utriusque
membrana complexu detinentur &c. Si quid igitur ju-
dicare valeo, tubercula hæc fibroſa ſive exiles nodulos
in duodeno, ſpirituum animalium gratiâ conſtructos
arbitramur, ut hæc illi inprimis confertim influerent ad
conſciendum chylum, quem vitalitatis quodam quaſi
charactere ſi fas eſt ita loqui, inſigniunt. Deinde hiſ
organis peculiaris excitari ſenſus videtur reſectionis à
paſtu. Quid quod victûs conſumptione exoriente fa-
me reverà non ſuperius tantùm ventriculi oriſcium
ſed etiam inferius ac maximè duodenum afficiatur?
cujus quidem rei ſignum evidentiffimum puto, tuber-
culorum nerveorum conſtructionem, quam certis ſen-
ſuum ſpeciebus exprimendis plerumque adhibet natu-
ra. Et fieri nequit bile & ſucco pancreatis in duo-
denum cibus vacuum effuſo, quin nervei apices ſingu-
lari

*lari ratione commoveantur, adeoq; nervorum hæc sti-
 mulatio famem vel pariat vel adaugeat. Deniq; ut res
 sapida lingua admota, propter papillas ejus nervis
 inter se conspirantibus, salivam movent, alliciuntq; è
 glandulis in os, ita credibile est cibus è ventriculo ad in-
 testina delatis, mulceri pariter duodeni tubercula sive
 papillas nerveas, agitariq; in his excubantes spiritus,
 ut nervorum communicatione invitata bilis & succus
 pancreatis, humorq; glandularum abundantius scatu-
 riat. Nihil nunc dicam, quantum hæ partes in vehe-
 mentibus animi commotionibus irâ, terrore & simili-
 bus ad inhibendum præcipuè, aut justo impetuosius pro-
 ritandum humorem ferocissimum fel tribuere valeant.
 Illud tantum obiter attingam, mali hypochondriaci do-
 loribus non in ventriculo ipso, sed paulò infrà eum in-
 vadentibus, ac per intervalla recrudescentibus, sym-
 ptomatum omnium exactissimam rationem reddi posse
 ab iis, qui partium illarum fabricam penitiùs
 cognoverunt. Καὶ ταῦτα μὲν
 εἰρη ταῦτα.*





I.


AD RESPONDENTEM.

DAphnis, je ne sçaurois comment pouvoir d'écrire,
Dans un simple sonnet les illustres progres,
Que dans l'art d'Apollon je vois que Tu as fais
Car ils sont au dessus de ceque j'en puis dire.

Souffre donc seulement qu'en Toy je les admire,
Et ne demande point la dessus mes essais,
Je ne puis m'en meler sans m'imposer un faix
Bien plus pesant pour moy que je ne le desire.

Les maux les plus cruels fuyent de devant Toy
Des que Tu Entreprends d'en destruire la loy;
Chacun s'évanouit quand Tu leur fais la guerre
Et je suis bien certain que jamais de Ton temps
La mort n'osera plus paroistre sur la Terre,
Pour luy ravir aucun de tous ses habitans,

P. L. C. P.



II.

MActe animo juvenis, magni spes magna *Parentis*,
Atque aude Proavis Te sociare parem.
Ipse vides quid jam de Te non exigat Orbis
HARDERO studiis invigilante Tuis

C

Fiat

Fiat, & ô Genitor spes hinc animosque resumens
Sentiat exilii lætiùs ire dies
Fiat, & eximia, dicat, me luce renasci
Et porrò in sobole vivere fata solent.
Omen adest isthæc, qua sanas, pagina, corpus,
E' qua vis animi promicat ampla Tui.

J. J. BATTIERII JC.

III.

Milles ut intrepidus studio fervente Galeni
Curris & in Medico pulvere Victor ovas,
Sic meritò **ANCILLON**: tantos Tibi grator honores
Quos animi Dotes promeruere Tibi.

Sic in signum amicitiae acclamat.

JOH. HOFERVS, Mylhusin,
Sacrae Medicinæ cultor.

IV.

Sisyphus hic saxum per clivia culmina montis
Volvit, at huncce potest vix recreare quies
Ast qui Musarum Genialia castra sequuntur
Hos suavi Pallas casta quiete beat,
Hæc repetenti animo artis Doctissime cultor
Machaonis, Titan det tibi justa. Vale.

Sic gratulatur

A. L. F. G.

F I N I S.